

陳炯明目錄

- 第一節 陳炯明幼年之歷史
- 第二節 陳炯明之游學時代
- 第三節 陳炯明之從軍時代
- 第四節 陳炯明之癸丑時代
- 第五節 陳炯明之南洋時代
- 第六節 陳炯明受制之桂派
- 第七節 陳炯明之漳州時代
- 第八節 陳炯明軍與桂軍之比較
- 第九節 陳炯明入粵之輿論
- 第十節 陳炯明再入五羊城

第十一節 陳炯明受賀之演說

第十二節 陳炯明留心桂社會

第十三節 陳炯明口內之陸榮廷

第十四節 陳炯明誓師駐肇慶

第十五節 陳炯明一語破的

第十六節 陳炯明之妙計離間

第十七節 陳炯明之與北庭

第十八節 陳炯明下令攻梧州

第十九節 陳炯明步步逼廣西

第二十節 陳炯明運籌帷幄

第二十一節 陳炯明威壓陸譚

第二十二節 陳炯明二打梧州

第二十三節 陳炯明戒信之戰

第二十四節 陳炯明詔撫王和順

第二十五節 陳炯明派遣陳炯光

第二十六節 陳炯明三打梧州

第二十七節 陳炯明兵入梧州

第二十八節 陳炯明入梧詳情

第二十九節 陳炯明督師高雷

第三十節 陳炯明犒賞將士

第三十一節 陳炯明賞縣之戰

第三十二節 陳炯明容賀之戰

第三十三節 陳炯明設防三羅

第三十四節 陳炯明桂平之戰

第三十五節 陳炯明與靳翼青

第三十六節 陳炯明北江之戰

第三十七節 陳炯明出師後之廣州

第三十八節 陳炯明鬱林之戰

第三十九節 陳炯明拒絕梁氏調停

第四十節 陳炯明四敗沈鴻英

第四十一節 陳炯明親紀梧州戰況

第四十二節 陳炯明部落主義

第四十三節 陳炯明與閩贛方面

第四十四節 陳炯明清查高廉軍事

第四十五節 陳炯明三犒熊旅

第四十六節 陳炯明威風八面

第四十七節 陳炯明潯州之戰

第四十八節 陳炯明與湘滇黔方面

第四十九節 陳炯明所向披靡

第五十節 陳炯明無往不利

第五十一節 陳炯明攻克梧州潯桂

第五十二節 陳炯明藤縣之戰

第五十三節 陳炯明識破假自治

第五十四節 陳炯明獎勵鄧本殷

第五十五節 陳炯明指揮如意

第五十六節 陳炯明與沈秦

第五十七節 陳炯明砲打韓彩鳳

第五十八節 陳炯明貴縣之戰

第五十九節 陳炯明之肅清各路計劃

第六十節 陳炯明收服賁克昭

第六十一節 陳炯明追逐陳炳焜

第六十二節 陳炯明入桂後之陸榮廷

第六十三節 陳炯明先後俘降之桂將

第六十四節 陳炯明嚇走林俊廷

第六十五節 陳炯明收撫秦步衢

第六十六節 陳炯明談笑入南寧

第六十七節 陳炯明保護寧武莊

第六十八節 陳炯明日中之桂要人

第六十九節 陳炯明口中之桂要人

第七十節 陳炯明底定廣西

- 第七十一節 陳炯明詳論桂敗之因果
- 第七十二節 陳炯明大勝之因果
- 第七十三節 陳炯明伐桂之尾聲
- 第七十四節 陳炯明威服韋榮昌
- 第七十五節 陳炯明偵緝桂逃將
- 第七十六節 陳炯明勝後之治桂談
- 第七十七節 陳炯明與桂之兩長問題
- 第七十八節 陳炯明追查掘攻賊
- 第七十九節 陳炯明之文章
- 第八十節 陳炯明之國學

附錄

陳炯明歷史

東粵浮生編輯

第一節 陳炯明之幼年歷史

陳炯明字競存，粵之惠州人，家頗富有。其父業商，炯明生而愚拙，讀書不甚聽俊，性好鬥，每與鄰兒搏博終日，頭破流血，不以爲苦。十一歲忽大病，甚劇，其父已爲備棺木，謂其不祿。其母哀痛彌恒，遣人禱於地主及韓昌黎祠。（粵人奉地主教者甚衆。）病忽霍然痊癒，頓易初行，恂恂儒雅，與人交際亦溫文有禮，絕不類小孩子。未幾入惠州高小肄業，敏慧冠常人，四年畢業，即自備資斧，至東京游學，初入成城，繼改早稻田法政專修科，終乃入士官畢業，故其文學、法律學、軍事學均不落人後。

第二節 陳炯明之游學時代

向愷然君之留東外史述中國留學生在東京之醜狀，鑄鼎象好，無微不至。

有嫌其言之過甚。其實留學生之怪現象。確皆如此。惟陳炯明則不然。每日課餘返寓。卽鍵戶自修。尤好治軍事學識。無事時。輒以圍碁代士卒。一人獨奕。以之練習行軍生死之道。當時留學生中。以好學聞者。有四人。一安徽孫竹丹。一雲南唐冀。其二卽李協和與陳也。諺云。有志者事竟成。至於今日。唐李陳均負一時人望。惟孫則爲仇家所陷。罹暗殺劫。歿於鐵啞鈴下。良可傷也。

第三節 陳炯明之從軍時代

陳學成歸國。卽入本省新軍爲見習官。丹徒趙伯先。夙耳其名。當趙之由吳至桂也。曾手肅恭函。專人邀之。陳老成持重。覘清漣未衰。托病却之。趙頗以爲異。殊不知其別有深意。迨辛亥三月。黃花崗役。李協和以書招之。陳仍婉言却報。保全其原有勢力。趙等旣敗。有未遭鉗網之黨人。得至香港。陳之維持力不淺。然卒因此遭當道嫉忌。屢欲借事謀之。陳益自戒勉。始終未爲人所暗算。及至是年秋。神州光復。陳卽爲粵軍推戴。出任督軍。兼北伐第二軍司令。爲姚雨平

君後援

第四節 陳炯明之癸丑時代

癸丑之役。李協和先發難於湖口。李與陳交誼素篤。羽書至粵。囑其響應。時陳之督軍。已讓於胡。退爲師長。密察國民黨勢力。俾湘譚（延闈）粵胡（漢民）韓李（烈鈞）而已。滇之蔡（謬）閩之孫（道仁）黔之劉（顯世）意存觀望。皆不足恃。雅弗欲冒險舉事。無如李與已交誼。又非泛泛。不得已迫胡響應。然事終無成。究底於敗。陳遂亡命走東洋。未幾又赴南洋羣島。

第五節 陳炯明之南洋時代

癸丑役敗。國民黨人相率走東瀛。蟄居未久。忽分兩派。一曰急進派。孫中山爲主。陳英士居正戴季陶謝持等屬之。設中華革命黨本部於東京。黨綱取法青紅帮之塔級制度。黃克強首先反對。去日赴美。柏文蔚譚人鳳李烈鈞等。先後從之。陳即亦於此時至南洋。別組溫和派。宣言不問國事。中日交涉之際。且有

一致對外之表示。故與國內感情較急進派爲勝。半皆出陳之主張。暗中政治活動亦較急進派省費而效速。陳英士聞之。自歎不若。嘗謂其親信曰。炯明吾之畏友。一旦我遭不測。君等可往從焉。故至今日。許崇智洪兆麟等。均爲英士腹心。而樂爲炯明效用。職是故耳。袁氏帝制自爲。炯明首先歸粵。運動成熟。松坡舉義。即於惠州樹幟響應之。知李烈鈞之可用也。招之攻龍濟光。大功克告。陳遂被舉爲粵督。

第六節 陳炯明之受制桂派

陸榮廷與龍濟光。本爲兒女親家。護國軍興時代。匪陸之能步武石碯。大義滅親。實曾彥劉彥鄧家彥等。費盡心機。利用陸之不學無術。唆其出師討袁。博身後榮譽。亦一時造成其聲望。迨事粗定。即謀擴張己之勢力。命陳炳焜入粵。炯明審時度勢。知此撩心懷叵測。即暗招李烈鈞同謀。他省地盤。李謂陸雖無良。決不致一變。即噬人。炯明知李之迷而不悟。即率己之勁旅。退至閩省之漳州。

李不聽炯明言。卒受桂害。張開濟之勁旅。爲桂解散。時陳炳焜不利人口。李耀漢楊永泰等。以次上台。莫榮新亦整備就任。或勸陳炯明捲土重來。再謀粵事。時炯明憚於李厚基之斷絕後路。故注全力於臧致平旅部。置粵事於不顧。言者大失望。於是跡近李楊莫等之粵人。遂造作謗言。謂炯明本無拯民水火之志。未足爲賢者。炯明亦默不置辯。蓋早有成竹在胸。所以不即發動者。因事機未熟耳。

第七節 陳炯明之漳州時代

粵中將成桂派清一色之時候。炯明知桂將不利於己。遂修好於閩李。訂攻守同盟之條約。且爲李出兵。勦撫閩山梟匪。閩人感焉。一面辦實業以濟餉源。興教育以開民智。練飛機。購精械。建築公園。創圖書館。開賢路以納四方之士。募壯士訓成幹練之兵。迨至桂派提議攻漳。炯明已兵精糧足。士飽馬騰。故其反攻粵省。六轡在手。一塵不驚。是時中華革命黨之人才。日漸消沈。而克強人鳳。

亦相繼謝世。孫中山爲大局起見，所遺精銳，悉以助陳。舍許（崇智）、洪（兆麟）、鄧（本殷）等，已爲炯明効用外，更令朱（執信）、廖（仲凱）、戴（季陶）、胡（漢民）等助之。一方運動李（福林）、魏（邦平）之在粵軍隊爲內應，布置周密，待時而動。會粵中桂派，知不洽輿情，遂信政學會之教唆，將取消自主，依附北廷。炯明投袂以起曰：時已至矣，不可失也。遂商得閩李之同意，以閩南各縣，交換得快槍五萬枝，子彈五十萬箱，軍餉一百念萬。遂率師入粵。

第八節 陳炯明軍與桂軍之比較

炯明之入粵也，所部步砲軍不過二十六營。是時粵中軍隊，共有七種。茲志其實數如下：（一）正式陸軍，陳坤培所部，步兵兩團，砲兵一團，機鎗一隊，軍樂一大隊，新編陸軍馬濟所部，步兵三旅，共六團，礮兵一營，工兵一營，機關槍一營，衛隊一營，憲兵一連。以上共步兵二十四營，礮四營，工一營，衛隊機鎗憲兵軍樂共兩營，另三連。（二）陸軍混成旅，林虎所部，步兵三團，礮兵兩營，另三連。

機關鎗兩連。沈鴻英所部。步兵三團。每團四營。礮兵一營。機關槍兩連。莫正聰所部。步兵三團。以上共兵三十營。礮兵三營。另一連。機關槍四連。(三)邊防陸軍李根源所部。步兵六團。游擊步兵一團。礮房二營。工兵一營。衛隊一營。機關槍一營。附憲兵一連。以上統共二十六營。另一連。(四)衛戍營陸日新所部。共三營。(五)憲兵營謝卓英所部。共二營。(六)陸軍游擊隊。共步兵七十一營。礮兵一營。另一連。機關槍二連。(七)新編陸軍游擊隊。共步兵十三營。砲兵共三連。機關槍一連。(八)舊警衛軍李福林之十一營。魏邦平步砲九營。一連。胡漢卿之三營。一連。統計步礮實數二百四十四營。另一連。試問以二十六營之衆。與二百四十四營。另一連對敵。無論婦豎聞之。皆曰陳炯明必敗者也。

第九節 陳炯明入粵之輿論

陳於民國九年十月初旬。率師入粵。衆寡不敵之勢。爲人詬病。於是旅外粵人。

函電紛馳。皆謂陳多此一舉。徒以糜爛地方。而有一部份人。憤桂人之亂粵。則極力主張陳之進攻。於是新老廣東之派別。然陳既不因老廣東之攻訐。阻其銳氣。亦不因新廣東之贊助。而生驕心。循序進行。絕不荒亂。桂軍亦以陳兵力單薄。蔑視之。軍法所謂經敵必敗。第一次迎擊。桂軍布密集線。陳分遣勁旅。以散兵線逆之。并使飛機擲炸彈以助之。以兩營之衆。一戰即破桂軍二十四營。聲勢大震。桂軍士無鬥志。望風披靡。同時粵中民軍蠶起響應。天下咸知陳炯明善於用兵。此番必克也。

第十節 陳炯明再入五羊城

十月廿六日。莫榮新大勢已去。廣州事委申葆藩主理。已則率將士離粵。臨行發電取消自主。類於小兒之頑耍。廿九日。李福林魏邦平軍。導引陳軍入城。申葆藩降。林虎逃。三十日。陳炯明再入五羊城。僅不過軍士八千。當時有品許崇智洪兆麟鄧本殷李福林魏邦平爲五虎將。朱執信之被害。擬爲落鳳坡之

龐士元。孫中山爲劉備。陳則爲孔明。雖屬無稽之談。然亦殊有味。最堪發噱。陳炯明入粵事定之日。北庭總統。信斜眼總理之語。下南北統一令。美國報紙。首先譏諷。此事日法英各報。相繼刊載。祇此一端。玷辱國體多多也。

第十一節 陳炯明受賀之演說

陳炯明既將桂系刈除。粵中軍商政學各界。假軍政府原址。舉行慶祝。先期柬請中外賓客。是日到會者。有英美法意日俄那威各國總副領事。廣州稅務司郵政司等員。及非政學會國會議長議員。軍政府高級官員。地方高級官員等。奏樂開會。公請伍老博士主席。首由伍博士演說。謂今日亦可謂中華民國立國之大典禮。歐美各國。均有國慶日。例如美法爲共和先進國。美之國慶日。係七月四日。法之國慶日。係七月十四日。舉國皆歡欣慶祝。本府今日舉行慶典。蒙中外賓客蒞止。濟濟一堂。共同慶祝。快愉可知也。陳司令入粵以來。雖未能謂建設完善。然已日見進步。譬之植樹。成圍合抱。亦非一朝一夕之功。但使根

本既固，則繼長增高，枝葉榮茂，固意中事耳。我國民團結一心，共相策厲，依共和之正軌，致國家于富強，則與美法先進共和之邦，並駕齊驅，自可預卜。要在吾國民好自爲之耳。次由褚議員演說，謂吾中華民國國慶日，即紀念武昌起義之日。武昌起義者，何蓋推倒滿清政府，撲滅數千年之專制，而建設共和政體之起基。亦即表示吾國民尊重自由之徵驗也。今日雖慶祝陳總司令功成，粵中雲開見日，亦可稱爲國慶。換言之，云今日係補祝國慶，亦無不可。當吾國改建共和之始，深得各友邦之輔助，如法如美，皆世界共和之先進國。其所以啟迪我國民，誘掖國民者，厥功尤偉。今日開慶祝會於廣州，即在真正護法政府之內，復得各友邦領事諸公之寵臨，至爲榮幸。此後吾國民惟有努力自愛，愛護共和，務求達此和平自由之目的。庶幾可以盡國民之天職，並以答各友邦之雅誼。此則鄙人區區之願力也。次由陳總司令演說，大意謂國事之敗壞，皆由不法官僚武人爲厲之階。至於國民心理，皆抱愛國主意，無論南北均屬